

Baibel Tungkuputsa lo USA



Akumzapu Kuchouqo
Kiphi Kichekutsu

21



United

Sates ye kuchou no tungkuputsa qholo aghilukepushi anikeshea? Iye, kuchouno tishi aghilukepushi anie. Noghi hipau ghili kumsujulo. Ashekha ghuloki lo, ayeghi hipau xu-lhe kishekhavenikelo ayeghi hipau shou shiyeh lakhi ighono akuka kughushu lono zusuluvekulupu shiakeu no ilo akhoto kumla hipau lo chhosunani. Baibel lo akichiqhikepu piyekusu lakhi lono ningu khe akeuye ayeghiqha saphe akeu shiyeh lakhi ye kishieno ighi ani eno kiushiniye ighi anikea? Noghi Piyekusu 13:11-18 lo phijulo. Nono akiphi kichekutsu lo phiwomphii zuuno akiyehdo hipau pa ghi phijulo. Kughengu Akiyehdo hipau lo atsajo tache lono ningu zuu ighiniye akeu United States kumla ghili tungkuputsa lono pipuwopuatsu anike.

1

Piyekusu 13 lo tungkuputsa lo ayeghiqha lo akuka kini kimightsu momu kiqi puatsu ani. Akuka tikuma gholo atighiu ye kiukea?

Khokichile: Ninguno akiphi kichekutsu 15 lono philuvekeu toi, **Piyekusu 13:1-10** lo akibo 7 puakeu tughashi ye Alhou kumthami Rommi eno tipau lono ipeghike pope w hiyam (Roman papacy) kuma ke. Baibel lo tungkuputsa lo tughashiqo pesu ayeghi lo kukaqo momu shiyehqo kiqitsu ani. (**Daniel 7:17, 23**)

2

Pope wu hiyam ye kiu mphe lono ayeghiqha zukusu eno akuka pichho puwo puatsukeu puhave momu kishekhave kea?

"Pa pelo ayehpe penikeu do aqhi 42 kutotsu (**Piyekusu 13:5**).

Khokichile: Baibel no pichhotsukeu no pope wu hiyam (papacy) ye pa kuka lono ayeghiqha zusupe akeu aqhi 42 tove kithishi tipau ashekha shivenani ipi, eno kuchouno tungkuputsa hipau ye 1798 lono shikupuve. Napoleon no pa wu general Berthier pelo pope kughape akughushivepekuu lono pope kuka hu akithipushi izave (Akiphi kichekutsu 15 lo phijulo)



1798

3

Pope yehkipe no akithipushi izaveke ghulokilo tungkuputsa lo khiuno shiyeh ghili pichhopuwo puatsukea?

"Tughashi khikhi ayeghi lono ipeghikeu lno ithulu, eno tipau ye bheriti lakhi toi akibo kini shopu ani, ikemu dragon tsa toi piqhi" (Piyekusu 13:11).



Khokichile: Pope yehkipe ashekha shivenikeu **ajo 10** lo pipuakeu hu 1798 lono shikupuve. Tipau ghulokilo ayeghi aqha kutau lakhi lo akuka (power) kutau akithe lakhi ipeghive (**ajo 11**). Unites States ye 1787 loye pano yezhabo mlaluve, eno 1798 loye panokutoshu akichiqhikepushi ayeghisha lo akuka kughushu (world power) peluve. United States no pe akeu kuka hipau kutami khiunomu sasu kimhe eno kimighimlave.

4

Tughashi ayeghi lono ipeghikeu kiji akhoto ye kiu kea?

Khokichile: Shiyeh hipau ye pa zuu tughashi kutamigo toi azughi lono ipeghimono paye ayeghi lono ipeghi. Danel eno Piyekusu to tangkuputsa lo ninguno ithulu akeuno azu momu azughi pesu ayeghi kututa lo timi lhoux kumzapu kughape kughuna akeu kijitsu ani. "Azughi khikhi nono ithulukeno, eno tughashi khipau shou tughaliu no iqaa nikenoytiye timi aqo kitikhiko, shiyehqo eno amili jelijo ke" (Piyekusu 17:15). Hipau zuu tiqheqliqo ghulokiu ye Europe yeghisha lo timi aqokitikhi aphughi lo kughunakeu shimonache, aqha kututa lo timi lhoux kikihi aghluo likhi hule hile kughunakeu shiche. Ikemu ishiye aqha kumtsu lo timi aqokitikhi kumzapu kughunakeu shiuvea, eno tipau kiji lono azughi pesu timi aqokitikhi kughunakeu kijitsu ani. Ishiye ayeghisha lo shiyehqo ye timi anoghi kumzapushi ikowo ishewovea, eno akuka kughushu lo ikughive puzu akuka kishi kichighi mtokeu lo ikughivea.



5

Bheriti akibo kini shopu anikemu tikuma shou akukakutsukuqho (crown) kuha momu qhopumo keu kiqi ye kiu kea?



Khokichile: Akibo kiqi ye kukamiqo eno akukaqha momu yehpeka kiqike (**Danel 7:24; 8:21**). Hipau pesu United States yehkipe lo pano yehpeka peithanikeu yehza kini puthukeu kiqitsu ani, tiye civil (mishi) eno Religious (Achine) kuma lo timi kumtsu pelo ililai pututa pulou lono peithalu penikeu kuka tsukeuke. Ayehza hikuma ye “Republicanism” akukau kuhano ayehpenikeu, eno “Protestantism” – pope kuhakeu kukuhou shini ipi xathakeu pi ani. Hipau zuu wovekeu ghulokilo ye shiyehqo no asuqha aqhaqha qhapesu wo state chineh kuphuche. Ikemu ishi hi akuka akithe ithughii akeuye titokeu kukhuayeh peithamonikeu shi xathave. United States ye kiu keno ighono akithe puthuluve. Yehpeka no ilo chhosumono illilai Alhou mlla lunikeu eno akukakutsukuqho – crown sumono timiqo dolo ayehkipeu kishepheno ayehpenikeu yehpeka puthuluve. Kukami kuhakeu yehpeka puthuluve.

Bheriti kibo toi pukeu kiqije akumthsa-akughuvu, alhothe- ghochile eno qhasumokeu, kulakishi kikimiye kiqi. (Jisu pesu Bheriti kimightsukeu Piyekusu kaku lo likhino ghuthu 28 kutolo pipuan) Titoi yehpeka hipau ghi pano kiu yehza puthu puanikenno tipau papeni ipi pikiphe shieno pape ighi ani. Tighenguno ayeghiqa lo akuka kutamiye ado eno ghilisuqe bheriti akibo kini pu akeu United States lau tsupuakeu susu kimighi eno kimhe mla.

Akhoto yehpithi lakhi

Jisu no United Sates ghili hepho piyesutukeu hileno kiskekhaye kepushi ani- ikemu qeti itaghi pa ghili piwomayesakepu aphi. Hipau shelo kiu shi ipelahinaniepi kea? United Sates ye aghakhu ighono kije, akukumusu ililaikeu, mlakiphe-yehkipe ililaikeu, kilhikishi kumla lo ililai ilupekeu, adokivi illilai peithalupe keu, illilai ililupekeu, hiye tokhoikeu ye kumokemu mpe atsutsu lo ayeghiqa lo timiqo pelo ilo pano yeghi lo pano timi shi ngopenike sasukeu. Ikemu ighinikeu lo amulo kusapu lakhi akeuye, Alhou timiqo ghenguno amulokusapu eno ahakusapu kije ani. Ninguno hipau piluakeuye Alhou tsa lo aghikeu pi ani. Kumughua eno kuakini yeghiqa huno Alhou lau kiu tsa keno lakhi piqhi nani ipi ani.

6

Piyekusu 13:11 lo United States no dragon lakhi toi pinani ipi akeuye kiu pinanikea?




Khokichile: Nono akiphi kichekutsu 20 lo philuveku toi, dragon ipi akeu ye Satan ke. Pano ayeghi lo akuka ajeli kutomo vechewono pa yehkipekulaqha puthuluve puzu Alhou kukuhou shikighime nani eno kutsavetsu nani. Satan no alhokuthu lo Alhou kukalakhu kusuxa acheni, eno Pa wu timiqo pelo Pa mlla pemonike ghenguno anguka shi acheni. (Akiphi kichekutsu kini loghi phijulo) Piveku toi dragon ipi akeu ye Satan ke, United States no Satan zukusu qholono ashekha ghulokilo timiqo pelo pa mlla lopi anguka shinan, tishimaye ghimeni ipinani.

7

Dragon lakhi tsa toi pinani ipikeu lo United Sates ye pakutakeu kiu shinanikea?

Khokichile: Hile akiqi akhoqo bidi tsupuakeu ithilo:



- A. **Tughashi atighiu yehkipekuka (authority) kumtsu pano peitha nani (Piyekusu 13:12).** Wovekeu lo Pope no timiqo kukumusu qhasuluvetsu keu toi, United Sates ghi tipau tho mlanani, eno shikighimekeu kuka peitha nani. Nono Piyekusu 13 lo tughashi atighiu ghili phiju aye tipau lono Rommi lo pope no tughashi atighiu kumla tho mla ighikeu ithulunani.
- B. **Pano-United States no ayeghi lo kughuna kuamiqo pelo tughashi atighiu (pope) kihu akithipushi izavekemu viluvekeu hu” mlla lopi anguka shinani (Piyekusu 13:12).** United States no ayeghiqa lo shiyehqo sasus anguka lono Khristo ghumi pope mlla lopi nani. Hile alhokuthu lo akumlla (worship) tsa piqhikeu ani, tiye mlla lo ipi anguka shinani. Noye ishi kihu gholuni eno mlla nikea? Khristo, Khiu o Lhou, eno Qhuchilekuluu mlla nicko maye Khristo ghumi mlla nikea? Ayeghi lo kughuna kuamiqo ye ashekha tsala lo hikuma khikhukenu lakkhi mlla niukeu kishelupe nani. Satan no kiu mula anikeno ti ghi aghungu lo kumlake ipi nani, eno pano amichipu kumla shikeqo kumtsu thavekumlapu shinani (**Piyekusu 13:13, 14**). Tishikeu lono ayeghi lo timi billion kumzapu pishiqhivenani (**Piyekusu 13:3**) Akughutha hipau lo ilo kuqhamove kemiqo pesu hekibidemiqo, aquoaho ghochile chekemiqo ipi atiche tsunani eno ngukunani. Ashekha ghulokilo Jisu no America lo Protestant miqo vilo “kichile tungkupoqo” ipi ngukuvanani (**Piyekusu 19:20; 20:10**). Kughengu panonguno kiu shi ipegehi anikeno hiye aghungu lo ke, eno pulubekulupu ke ipi nani, ikemu kuchou loye hipaqo kumtsu Satan kumlake. Hipaqo kumtsu jukelo tokumlapu toi, ikemu Jisu tsa likhino alhokuthu lo pukhube eno pulubekulupuke (**Tito 1:2**). Kughengu Jisu no picchopuwo puatsukeuno ayeghi lo kukaqha bidi ipeghinani ikemu ikiqive nani eno Khristo ghumi ithughinani ipi puan (**Danel akiyehdo 2 eno 7**) Hi picchopuwo puakeqo ye pulukumlapu lakhi toi, ikemu tipaqo kumtsu shikupu khavea. Jisu no pi, “hipaqo kumtsu ghili lno nongan vilo pi ighivea, kughou hipaqo shikupuveni keno tithiuno nongan kuchou kena ipi pulunani (**Johan 14:29**).
- C. **Pano-United Sates no ayeghi lo kughuna kuamiqo vilo tughashi kihu azutakikihi lono akithipushi izavekemu viluvekeu julho mlla lo ipi nani (Piyekusu 13:14)** United States no Achine lo kumla yehza tsughasuwe puzu tughashi julho mlla lo ipinani. Ayehza tsughasuwe puzu timi kumtsu vilo tughashi julho mlla lo ipinani, eno tipau gholumovekeu ye pesu pithivenikeu yehza tsughasuvanani. Akumla hipau ye wovekeu lo pope kumlaqo juno (copy) tipau tho mlanani. Tiqhel amtaqo (middle ages) lo pope yehkipe aqicheu lo ikughil Luklo akukuhou ngo state kuma kuqhaluve puzu yehpeka lakhi puthuluve. Pope no akukuhou shou eno state shou ayehpe kuqhaluve puzu pano gholo iloghimopi ghochilekemiqo timi asale asale kumzapu kutsavetsu. Titoi United States no civil government ngo alaizuvekeu Protestant kukuhou kuma shou ayehpekuqhave puzu pope yehkipe saphuvenani. Tishikeu lono li no ayeghi lo shiyehqo kumtsu zusuluve puzu li no kichetsukeu papelo ipi ayehza tsughasuvenco anguka shinani, tsutsala tilehi anguka su aye tilehi ghimekeu ghi anani. Hitoi shikeu lono pope yehkipe ye ayeghiqa kukuphu ithuluve nani.
- D. **“Eno tughashi julho mlla moe ipi tuchilevekemiqo ye pesu ghimeve nani” (Piyekusu 13:15).** United Sates no ayeghiqa lo shiyehqo shou akutsu shiluve nani, tishi puzu ayeghiqa lo shiyehqo kumtsu zusuluvenco tughashi momu pa julho mlla moe ipi tuchilevekemiqo ye pithivenikeu yehza mlavenani. Hile ayeghiqa lo shiyehqo pekuqhaluvekeu pesu ajeh kutau lakhi “Babylon akije” ipi ku ani.(Akiphi kichekutsu 22 loghi julio) Hi shiyehqo pekuqhaluvekeu muqo huno Khristo jeh lono Akimithe Ghungu kichetsukeu qholono zahkhemiqo kuka lakhi toi shipuzu- mlla lo ipi anguka shi ighinani.

8

Akithi yehza tsughasuvekeu ye mutsuqhei kiu ghenguno kea?

"Pa pelo tughashi julho lau atuthu tsuluvekepu kuka pulozah tsupuan, tishikeu lono tughashi pelo atsa pilupe eno tughashi mllamo kemi kutomo ghiqhilukepu shilupenani. Pano kitilami eno kijemi, kinimi eno kumulhom, ililaikemi eno aqemiqo pelo panongu wu ajeu momu panongu kishe lo tughashi michipu ikhiluvepenani, eno khiunoqono tughashi michipu momu pa jeh, momu pa jeh kikihi pecheghimoni keno panongu pelo kuqhukili shilupemonanii" (Piyekusu 13:15-17).

Khokichile: Akukupuna ashekhou ye tughashi gholu eno pa julho mlla eno pa michipu-Sunday gihukeu ikhiluvepeni keuno ashekhou shinani. Hino kichileu, ikemu Khristo gholu eno Pa mlla keu eno Pa michipu akutsunini Sabbath akimitheshi pinyi keuno kuchouke. (akiphi kichekutsu 20 loghi jullo) Kughou timiqo no Sabbath hexaveno Sunday pinyi lo tishimo aye pithiveni ipi ayehza tsughasuve puzu anguka shithuvenikenno tiye axiala mutsumishei vea. Sunday pinyi keu lono tughashi mlla lo ipikeu mutsuqhei pephevea. Tile Sunday pinyi nikelu ikhiluvekemiye Alhou no Ihsos puakeu lhosu timi yehza ikhiluvekeu mutsumisheivea. Kughengu panongu ye Alhou, thime thokha lhosutsukeu Jisu Khristo gholumoveake ghenguno. Hile pope yehkipe lono piqli puakeu tsa ani. "Akukuhou no Sabbath pekilipesu Sunday lo suvekeu lono ayeghiqa kumtsuno aghokulushi Catholic kukuhou zahktutsu kiji lono atsala hipau lono itsaiqi mlla anike" (Hartford Weekly Call, February 22, 1884)



9

Yehpeka ye kuchouno kuqhukili - jelu eno qhulupenikeu lakhavenani keshea?

Khokichile: Ayeghiqa ghushi akiniu ghuloki lo Ration Stamp avehu shive puzu ngosali (sugar) garipukhu eno amizu qhulukepu shimplave, ghuka ye amekuhakeu shive. Ishi hi mlalei kikhikulai luve akeu tigheli hipau loghi titokeu shi ipeghivenikeu mlalei ani. Akiqitsa: tsutsala nono ishi ayeghiqa laghi thokha lo kuqhakutupope akeu lo ilo kuqhamove aye o kikihi mlaluu kikihi lo ilomlavenani, eno noye kuqhukili shilukepu chipiu kuhavekeu pephepiyesuve nani. Hitoikeu shi ipeghinani ipikeu ye timi kхиunomu ithiamo. Ikemu hiye kuchouno suchouno shi ipeghinani. Kughengu


Piyekusu 13:16, 17 lono Alhou no hipau shi ipeghinikeu piveake ghenguno.

Hitoi akuka

kini pekuqhakeu ipeghinani, hipau ghili Piyekusu 13 lono mutsuqhei pitsu ani. Ashekha ghuloki lo akughushu kuka kini ipeghinani, tiye ayeghi lo kuka pe akeu United States of America eno pope yehkipe (papacy) kuma ke. United States no ayeghiqa lo timiqo viro tughashi kuka papacy mlla lo eno pa michipu ikhilulo tishimaye pithiveni ipi ayeghiqa shou ayehza tsughasuve keu lono pope yehkipe saphuve nani. Hi akughushu kuka kini kumto lo injukeu kini ani:

10

Ishi pope w hiyam (papacy) yehkipe zukusu ye kiutoi keu kumtoshi anikea?



Khokichile: Ishi Achine (Religious) eno alojitsa (political) kuka kuma kuhape ighono akumtoshi akeu ghili lo kighekulupu, kutsalakulupu eno kulakilekulupu ani. Kuchou no ishi saphe akeu yeghqha kumtsu lo lashika eno states kumtsulo zuqhkishimiyo Vatican lo ani. Hi aqhouno kuchouquo ithilulo:

- A. 2015 mpe lo pope Francis no United States xuju ighikelo alojitsa eno Achine tsa sunhekuqha no pi ighi. Cardinal Timothy Dolan no pikeuno, "pope no khijehi pope yehkipe kuka eno ajuajeh lunishimokeno tijehi timiqo no alau pa sughevhe acheni"-(BS This Morning, September 22, 2015).
- B. Pope ye Khristomiqo yeghqha sunhekuqhape lakhi shiluvenikeuno pa kimijke. 2014 January qhi lo St. Paul lo Basilika lo Orthodox mi, Anglican mi, Lutheran mi, Methodist mi, eno Khristomi zuqhkishimi kutamiyo sasu kuhokelo Francis no ahoho peitha kelo pano pikeuno Khristomiqo ye lakhi shi kuqhaluvekepu avehu shi akeu ghili pi. Francisi no pi, "Alhoayeh lo akukuhou kijethave akeuye ikhikulupu kumokeu shi ani; kughengu hitoi kijethave akeu huno Khristo phimpi ghuzave ani, eno ayeghqha lau kuchou thopi tsumlave anike." – Catholic Herald, January 27, 2014.
- C. Kulakishi ghenguno ke ipi puzu sakiphemiqo no pa sadavekeu Iono ayeghqha ye kiemu pa khochilemlave ani. Ghuthu lakhi Francis no Israel mi eno Palestine mi sakiphemiqo sasu Vatican Iono akighini shinikeu shi. Tile pope, khiu Latin American mi lakhi kehu Havana lo pa shou ighono pulubekulupu shivekeu huno U.S. laghi shevetsu: - Cuba thaw-Sylvia Poggioli, National Public Radio, April 14, 2016.
- D. 2015 lo Francis no America xuju ighikelo America mi hiyam lo ampmemiyo no thosulo shichemokeu kumla lakhi shive. Pope Francis no United States wu akiyeu kungo a lo ighikelo President Obama no luthushi agiqihu pa tsu eno saluvekeu Iono America mino Roman Catholic lo Achine tou (Pontiff) high level Iono sasunikeu shi White House no xathavekeu michi shive. Pope kutami khitunomu shichemokeu Francis no xuju ighikelo congress sasu kumtsa kuhokeu hipauko America mi xu-lhe lo akumla atugiu shipuani.-Irish Daily Mail, September 23, 2015.



11

United States ye ishi zusukulupu lo eno akukakumto lo kishi anikea?

Khokichile: Ishi America ye ghushimi kumla lo ayeghiqa lo ighono akughushu kuka kumugho lakhi shi ani, eno ayeghiqa zusukulupu mta lakhi shi ani. Hi aqhou tsupuakeu ithilulo:

- A. Akuka kughushu ku-a ghili ishi kimighiju eno kimheju kelo US, no ighinikeu loghi hitoi akuka kumugho lo aghinani.” – Ian Bremmer, Time Magazine, May 28, 2015.
- B. “Tile kulakishi ngo aghukishi kuma dolo kiumu kiyequkeu kuha ... tiye akivi kupulo mu kumo momu atsakivi mu kumo, maye aqiqheu lono kuqhapse aphimpi lakhi shi achenikeumu kumo. Ikemu hipauno shikulupu kuka akeu, eno ayeghi cheku kumtsu lo America mi kukakumto chosupe aghikeu avehu shi ani.” – Senator Johan Mecain, November 15, 2014.
- C. “United States ye kotha lethavemla keu shiyeh lakhi shi achenani, wovekeu tigheliqo lo tishi ighivea, titoi ighinikeu lo ghi tishi achenani.” – President Barack Obama, May 28, 2014.
- D. France mi Foreign Minister Hubert Verdine no Paris lo kuho akemiqo vilo pikeuno, United States ye pakutakeu kuka lakhi ani ... aghakhu hipauno kushoqho qhasu ighi ani, eno tishi qhasupe anani” – The New York Time, February 5, 1999.

Akukakumugho ku-a shiyeh China mi eno Russia mino kukhukile ighikelo America mi likhino ayeghi aqha kumtsu lo leulu eno suchilevemono tishi qhasupe ngo ighilu ani. Ighinikeu lo America mi President shinikemiye kiu kiu zumulhu ighie pinamu kughuchovemono ayehpe kulupu kumto nepa lusupe qhiluvea.”

12

Alo lo kighithi (Conscience) hexavetsukemiqo shou kughathabenikeu lo kuphu kulupu ayeghiqa yehza kutau kiu ghi anikea?

Khokichile: Ningu ye ajeh tipaqa ye mutsuqhei tsumla, ikemu tipaqa lo ghosukulupu hamit su ani.

- A. Kichikiqhimiqo (terrorists) kumla
- B. Aqokitikhikumuqhu, ame ipukveno ayehza hexavekeu eno alhokusa kimla kishi
- C. Ghupileve chekeu kusughu sasus kichighikeu
- D. Kuakini akichiu shipusavenikeu
- E. Paikhavi aqha kitixeve kulupu kusupithe
- F. Akughushu shiyehqono kutsakungovekulupu ghunanan pesu kichikuluke
- G. Alojitsa (political) kukupuna
- H. Kughakiqo lo amikacho Xakuthami kuhavekeu
- I. Aqoaho eno alojitsa kukupuna
- J. Tusutuqha ihulovekeu
- K. Akukujokuhakeu eno kutau xupsaqo
- L. Ayeghiqa lau ahakusapu ighikeu
- M. Thokha shijunishi chekemiqo

Kichikuluke kumla sasus kichighikeu, ayehza sumono xuakeu, amikacho Xakuthami tsumokeu, xupsaqo kuxu, ghakusu qholo xunishimokeu, athokha-amuha kuxu, aloji sakiphemi kumoam saphe anishikemi, hinguno alau anguka lono timiqo shou akumou yehza tsughasukeu kono ahakusapu kutomo sholuveno ashekha loye ikiqiveno ide ithughimlavekeu.

13

Ayeghi bekutha (condition) ye alhokusa lo ikughivea puzu itaghi Satan ye kiutoikeu pishikiqhi pesu ayeghi pishiqhive naniepikea?

"Pano amichipu (sign) kijeje mlanani, tishieno kungugha launo timiqo nhekithe lo ami suiqighi piyesunani, hitoi pano amichipu kumlaqo shieno ayeghi lo kughuna kuamiqo pishiqhivenani, pa pelo hitoi tughashi nhekithe lono mlalukepu pulozah tsupuakeu toi, pano ayeghi lo kughuna kuamiqo vilo tughashi kihu azuta kikihi lono izavekemu viluve keu julho lakhi shisulo ipinani" (Piyekusu 13:13, 14).



Khokichile: United States no xukitheke ghili shipuzu Achine lo yehza tsughasuno anguka lono timiqo vilo "tughashi julho lakhi shisulo (mlla lo) ipi nani" (Piyekusu 13:14). Anguka lono timiqo vilo Alhou kimithe tsala akutsunini Sabbath qhive puzu tughashi w "akimite" tsala Sunday lono mlla (worship) eno akihini shi lo ipinani. Tile kutomonon aqoaho kivi momu kuakin kimiji ghenguno Sunday pinyi niukeu yehza ikhiluvenani. Ayeghiha no "Alhou lau xaide ighivel" ipikeu kughutha kije shinani, eno Sunday lono mlla (worship) eno akihini shinani, tile ayeghi bekutha ye ighono kushokutsupu, puqheklamplu lakhi shivenani. Satan no hitoi ayeghi pishiqhive nani. Baibel lo kuchou ye qhiveno Sunday akimitheshi pinyi lo ipi anguka shinani. Ikemu kuchouno pinikeuye tughashi mlla lo ipi akeu kiqi ye timiqo pelo Alhou yehkipe kukaqha lo ilopenishimokeu lakukha ke. Hipau ghenguno Jisu no tughashi mlla keu ngo pa jeh kikihi ikhiluku lo kumsapu akeu ghili Piyekusu kaku lono kichepe ningu lau piyesutsu anike.

14

Ashekhou tigheli lo aqha kumtsu lo timi kumtsuno xukitheke ghili shi akeu lo Alhou timiqo ye kishinanikea?



Khokichile: Baibel no piakeuno, "ajukuvu" kijeno ayeghiqa yepuvu luve nani (Piyekusu 18:1) Kungumi kuthu tsape Piyekusu 14:6-14 lo tsupuakeu huno ayeghiqa cheku kumtsu lo timi kumtsu lau pikuthu tovenani (Mark 16:15). Tigheli ashekhou lo Alhou kukuhou no akumzapu lono atsape hipau pesu pikulhatsu ale lo ayeghiqa lo timi asale asale no ilo tipau lo kuqhaluve nani, eno Jisu kupulu vechewo kikimiye lono xachilekulu pesu tsu akeu ikhiluve nani eno timi tipaqo pesu Pa ghokulumi aqemiqo ipi kihisuluve nani. Tilehi aghakhu kutomo lo sakiphemiqo eno timiqo kutomono tughashi mlla niukeu tuchileve nani, eno pa wu kichileu kukutsuqo initsumove nani, eno Jisu kupulu lo ighivenani, eno panongu kiske lo akimithe Sabbath michipu ikhiluve nani (Piyekusu 7:2, 3). Titoi panongu ye lhokta kuxupu michipu ikhiluvenani (Akiphi kichekutsu 20 lo Alhou w seal ghili sukuphatsukeu lo ghi julo)

Alhou timiqo no xukithe akeu hipau kichileu xukikithe-xukitheke ghilishi akemiqo gha shikighidevetsu nani

Tipau lo sakiphemiqo no shishe agha ideve puzu ayeghiqa no xukithe akeu tuchileve akemiqono ayeghiqa lau ahakusapu suightsu anike ipi nguku nani (Daniel 11:44) eno panongu pelo jelupemo eno qhulupemonikeu-kuqhukili lakkavetsu nani (Piyekusu 13:16, 17). Tishi aghiepinamu Baibel lo piqli puakeuno panongu ghenguno chuqu kusho eno sukusho kutopuatsu ani (Isaya 33:16; Leshele 34:7).

15

**U.S no sasu kuqhape akemiqo no pano ghumi shou akithi
yehza tsughasuve ipi (Piyekusu 13:15) Ikemu itaghi
Piyekusu 13:13, 14 lo pi akeuno pano sakiphemiqo no Alhou
no panongu gholo anike pi pano timiqo mulo vakumthsatsu
keu ye kiu kea?**

Khokchile: Panonguno akichiqhipushu kulashinani- tile ashekha ghulokilo Alhou ghokulumiqo thono tinguno alauye pishikiqi kumla tipau puluvenani eno tile ilovenani (**Mathi 24:24**). Satan no kungumi ikiqivekemiqo pesu pa wu pishikiqi kumla lo peitha nani (**Piyekusu 16:13, 14**). Panonguno thivekemi ju kimihi lono kuxumiqo lau ipeghipiesunani (**Piyekusu 18:23**). Eno Baibel lo tungkupumiqo eno akhopemiqo kimihi lono ipeghipiyenani, ikemu tipaqoye kimikimiqoke (**Johan 8:44**) Panongu ye ikiqivekeu ghinimiqoke, ikemu Alhou no panongu puu anike ipi ighieno timiqo pishiqhivenani.

Satan no Khristo toi pephe ipeghinani eno pa ghinimiqono Khristomi ministers miqo kimihi lono ighinani.

Satan no akuvu lo ghinimi lakhi toi ighinani (**2 Korinthiami 11:13-15**) Pano ighono akughushu kumla shinani, eno paye Jisu ke ipi ighinani (**Mathi 24:23, 24**) Paye Khristo ke ipi ighi anikehu mlalei pano Sabbath pesu Sunday lo kilisuveake ipinani, eno pa papemiqo vilo ayeghiqa pelo xukikithe kughutha kije shieno pa kimithe tsala Sunday pinyi pelo ipi ahza tsunani.

Tile timi Billion pishiqhive nani

Timi billion no Satan hu pesu Jisu ke ipi ikhiluvenani eno puluvenani, eno itsaiqi qoqhunheno pa mlla nani. Tile "ayeghiqa no akumzave nani, eno tughashi hu pape wuvenani" (**Piyekusu 13:3**). Pishikiqi hipau ye ighono shipithiLuku (effective) lakhi shinani. Tishi aghiepinamu Alhou timi ye lakhimu pishiqhilumonani, kughengu panongu ye thime kumtsu pesu Baibel susu kimighijuveake ghenguno (**Isaya 8:19, 20; 2 Timothi 2:15**) Baibel no pi akeuno, "Alhou zahkutsu ye kilikumlapu lakhi" (**Mathi 5:18**). Itaghi pi akeuno, Kughou Jisu no ide ighinikenno tile "anethi kumtsuno Pa ikighiju ithulunani" (**Piyekusu 1:7**). Paye iqj ayegehi dimonani ikemu khungkuslu lo ngovenani, eno Pa tu timiqo no iku amulhu lono Pa sasu kushonani" (**1 Thesaloniam 4:16, 17**).

Jisuno akichiqhipu kumla
shilu chekeu satan no jisu
ghili shi pishikiqi shinanike.



16

Ashekha ghuloki lo pephe
ipeghinike kuto akeu
akukakughushu pishikiqhiu launo
kishi ningu xaphelunani kea?

Khokichile:

- A. Akukutsu kumtsu pesu Baibel susu kimighijulo-
(2 Timothi 2:15; Apostolmi 17:11; Isaya 8:20).
- B. Jisu no hipau ghili kuchou kichepiyesu puakeqo
papel. Jisu no piqli puakeuno, kuchou-truth
Pa pape chekemiqo ye khilemu kichileu lo ikiqi
ilomonani momu pishiqhimla nani” **(Johan 7:17).**
- C. Tsalapekighi lo Jisu kupunkhoi xuchelo
(Johan 15:5).

Hi kumsululo: Kungumi kuthu tsape akiphi toku tsupuakeu gholo hino akiphi akutsughou shi ani. Hipau thiу akiphi
kuthu lono ashekha ghuloki ighikelo Khristo kukuhou eno Achine kutamiqo ye kiu kishinanikeno kichepiyesu puatsu
ani.



17

Pipusa piputha, shikighime eno ashekha lo pesu
pithivekepushi aghiepinamu noye Jisu gholo ngono Pa mlla
nike pulo anima?

Nono khochilenikeu:



Nono Iniju Keu Khochiletsu Ani

1. Ashekhau kukupuna lo Alhou w kuchou ghili chimla aphikemiqo ye kiumo kumsujumono vejoi kichileu kisheluve puzu puhavenikeu ye achipi kumo keputoi ke kumo keshea?

Khokchile: Ashekhau kukupuna ighikelo timi khiumu atsakiviu pikulha tsukeu chimlakeu ye shimonani (**Mark 16:15**). Kumtsuno vethalukhave nani (**Johan 1:9**) Tinguno alau ishi kungumi kuthu tsape pesu ayeghiqha kumtsu lau tsu ani (**Piyekusu 14:6-12**). Timiqo no tughashi michipu ikhiluvenikeu ye panonguno mthake ghenguno kumo, ikemu Jisu ikhilunishimo keu lono tughashi michipu ikhiluvenani, panonguno Jisu pape chekeu me kua pephetunishimo kelauno.

2. Piyekusu 16:12-16 lo Armageddon ghushi ghili pipuakeuye kughouno eno khileno kichighinanikea?

Khokchile: Armageddon ghushi ye Khristo ngo Satan pama dolo ghushi ashekhauke. Hipau no ayeghi lo ghushi ashekha shinani, eno hipau ye Jisu no akiniu ide ighiniye zu lono shinani. Aghushi hipauye itaghi ampe 1,000 thiughi shinani, kughou ayikusamiqono Akimithe Phughi boluvenikenno tile kunguga lono ami iqighieno panongu pitve nani (**Piyekusu 20:9**) (Akipi kichekutsu 12 loghi ampe 1,000 ghili tsupuanike tilehi julo)

Armageddon ipikeu tsa kiqi ye kiukea?

Armageddon ipikeu jeh kiqiye Shishe Akughushu Lhou tsala akijeu lo Khristo ngo Satan pama dolo kupunanikeu, tile ayeghiqha lo shiye kumtsu no ilo chhosunani (**Piyekusu 16:12-16, 19**). "Kipelau kukamiqo" ipi akeuye Apuh Alhou eno Anu Alhou. "Kipelau" ipi akeu tsa Baibel no kimighitsu momu kiqitsu akeuye Alhou wu kungugha yehkiye kukaqha kiqitsu ani (**Piyekusu 7:2; Ezekel 43:2; Mathi 24:27**). Ashekhau ghushiqha hipau lo ayeghiqha qhoi kuqhaluvenani (**Piyekusu 16:14**) eno Jisu Bheriti eno Pa wu timiqo sasus kichighanani (**Piyekusu 17:14; 19:19**). Akukupuna hipau lo tughashi mllamo ipi kemiqo ye ayeghi hipau lono hapheve ni momu shipuhaveni ipikeuno panongu kimiji shinani (**Piyekusu 13:15-17**).

Pishiqhi huno tuchilevenikeu pape ighinani


Timi kutomono Alhou tsape ye kuchouke ipi ithi anikemu tiye tuchileve puzu kichileu eno akimiki u puluve eno ikhiluvani (**2 Thesaloniami 2:10-12**) Kughou panonguno Alhou timiqo kutsavenike kutolovenikenno tile panongu ye Alhou kukaqha ghenguno mla anikepi puluno mlanani. Panonguno Alhou timiqo viro nonguye akimithemiqoke ipi puzu kishieno ilo xukikithe hipau lo kuqhamo ipi akeuye ayeghiqha pishiqhi anike ipi akimithemiqo ngukunani momu akipimi benani.

Tishi kupuna akeu hu Jisu no ide ighikeuno lakhavenani

Akukupuna momu aghukishi tipaueye ayeghi aqha kumtsu lono shinani. Yehpeka (government) no ilo Achine lo chhosu puzu Alhou timiqo kutsavenike pukaputsaju nani, ikemu Alhou no ilo tile chhove nani. Kimighipiekeu momu kiqitsu akeu Euphrates ghoki hu qhaivenani (**Piyekusu 16:12**) Tungkuputsa lo azu ipi akeu kiqi ye timiqo, timi aqokikhiko kiqitsu ani (**Piyekusu 17:15**). Titoi Euphrates ghoki qhaive ipi akeu kiqiye timiqono zuleno momu paikhavi lono panonguno tughashi saphu akeu hu suchilevenikeu kiqitsu ani. Tughashi ipi akeuye Satan kukaqha kiqitsu ani. Tughashi sakuphumiqo hu kuhavenani (**Piyekusu 16:13, 14**) timi tipaqo apanaghave nani (**Piyekusu 16:19**). Jisu no ide ighikeu huno aghukishi tipau lakhavenani. Panonguno shikighime akemi Pa wu timiqo hu Pano saluvenani (**Piyekusu 6:14-17; 16:18-21; 19:11-20**).

Aghushiqa ye ampe 1,000 thiuno shikuchou shini aphi

Ampe 1,000 thiun Satan ye pekiphe shi Alhou timiqo ghochilekeu shinani. Pa wu ghushimiqo kutoluve puzu Akimithe phughi hu leluvenike boluve nani. Ikemu kunguga lono ami iqighieno pa eno pa gholo kusumiqo



kumtsu kutsavenani-pitiqhivenani.(Akiphi kichekutsu
11, 12 loghi phijulo) eno Jisu papemiqo ye lhokta kukaqha lo ililai
ngovenani.

**3. Baibel no pike, “Khiuno o ghiqhinike ighi anikeno
paye Alhou kumla shi anike ipi kumsukeu do hu ighinani” (Johan 16:2) Hipau ye
kuchouno ni ghuloki lono shikupunani keshea?**

Khokichile: Iye. Ashekha ghulokilo ayeghi lo yehpeka ngo Achine kuma kuka pekuqhavneni eno Alhou timiqo shou aghakigide kije lepukunani, khiunoqo xukikithe hipau lo iloghieno Sunday mllamoppi tuchileveni keno tipaqo shou lepukunani. Panonguno amichipu kmla shi akeu hipauye kuchouke ipinani- amichipu eno akumzapu kumla hipaqoye kusukinimi shipivi nani, Alhou mithi chekemiqo mulo pebidevetsu anike ipinani, kusalhami eno mithemuzumono chekemiqo sakumuzuluve anike ipinani. Hi akuka kuqhape akeu muqo no khiu pelonomu ayeghiqha no xukithe akeu hipau hepho eno hexavekeu shipemonani. Luthu khiu pelonomu (kichekipiye-Sabbath kukutsu) ghili kumsupemo nani, ikemu ayeghiqha no xukikithe hipau vechewono athikuzu azukighi dolo kulakishi shiluvenike kuto akeulo ilo kuqhalo ipinani. Akughutha hipau lo ilo kuqhamopi tuchilevekemiqo pesu aghokulu kumomi, hekibidemi, eno Khristo ghumiqo ipi nguku puzu ashekha loye panongu shou kutuu kumla lepukevenani, eno kutsavenikeu yehza tsughasuwe nani, eno panongu ye Alhou ghenguno mla anike ipinani.

**4. Ninguno Danel eno Piyekusu tungkuputsaqa phujukelo lo Satan (devil) no Khristo
ghumike ipi phulu anike tiye kuchou kema?**

Khokichile: Iye. Tiye kuchouke. Satan ye kuchouno aghumi lakhike. Satan no ayeghi lo sakiphemiqo eno shiyejqo xukutho puzu panongu pelo Alhou timiqo mithi achenipe, tishikeu lono Jisu mulo shipusuvetsu eno Alhou mulo shikighimevetsu acheni. Alhokusa kumla kumtsu Satan no huthu acheni. Ashekha lo pano timi aquaho xukutho puzu Alhou timiqo mithi eno ghuza chepekeu makho kumtsu pesu pa shou bevenani, kughengu pano puloputsano Alhou timiqo ghuzave achenike ghenguno.

**5. Pope ye thivea, eno pa zuqhulo ayehkipemi kutami kisheluvea puzu kishieno
Piyekusu 13:11-18 lo tungkuputsa lo United States ghili pikepu aghivekea?**

Khokichile: Khiuno pope shivepina, president shive aghie pinamu tungkuputsa lo pipuakeu ye shikupunani. Panongu yehkipe ye ado kihikutha likhi ke, asheshino pano do wove nani. Ikemu ashekha loye Baibel tungkuputsa lo kiu pipuanikeno tile iloghivenani.

**6. Piyekusu 13:11-18 lo bheriti akibo kini pu akeu ngo Piyekusu 16:13 lo kichileu
tungkupu ipi puakeu pama akuka aphiphi keshea?**

Khokichile: Iye. **Piyekusu 19:20** lo, Alhou no tughashi khikhii Khristo ghumi khiu kichileu tungkupukeno pa kutsavenikeu pi anike. Alhou no kichileu tungkupu ghili kimchitsu akeuno, akuka tipauno tughashi zu lono “amichipu kumlaqo” mlanani, eno tishikeu lono timiqo pishiqhipe panongu pelo tughashi mllapenani eno pa julho shisuvepenani-mlla penani. Bheriti kibo toi pu akeu tughashi huno akumla hipaqo shinani, pa ghili **Piyekusu 13:11-18** lono pitsuani. Ishi akiphi kichekutsu hipau lono bheriti toi akibo kini shopu akeuye kutami khiumo kumono United States of America ke ipi kimchivetsu ani. Tighenguno bheriti toi akibo kini shopu akeu tughashi kuka ngo kichileu tungkupu kuka pama ye atho, aphiphike.

Hilehi okukumsu eno injuakeu pitsulou



Akiphi kichekutsu hipau ghi akiphi 27 gholo lakhike.

Akiphi kumtsu lo akumzapo kuchuoqo no chhitoi ani, hipau no eno no kibolomiqo kuxu pekilivetsukulupu anike. Akiphi lakhimu vezuve kevilo.

Akiphi kichekutsu 15: Khiuno Khristo ghumikea?

Akiphi kichekutsu 16: Aqha Iono kungumi tsapeqo

Akiphi kichekutsu 17: Alhou no akupughuqo shi

Akiphi kichekutsu 18: Ado achio Iono! Tungkupu sükusu piyetsu

Akiphi kichekutsu 19: Ashekhau kughathabenikeu

Akiphi kichekutsu 20: Tughashi michipu

Akiphi kichekutsu 21: Baibel Tungkuputra lo USA

Akiphi kichekutsu 22: "Totimi" kutau lakhi

Akiphi kichekutsu 23: Khristo nipa-kulalii

Akiphi kichekutsu 24: Ahou ye ayepukighithimi eno akuka kutau pe akemiyo lau muzusutsu keshea?

Akiphi kichekutsu 25: Ningu ye Alhou shou pukhu anima?

Akiphi kichekutsu 26: Kikimiye huno pekilivetsu

Akiphi kichekutsu 27: Ide ighima

Noye niu Akiphi Kichekutsu-14 ithuluvama? Ithulu mono aghi aye, akiyeh tsülo:

Amazing Facts India, Post Box No 51, Banjara Hills, Hyderabad-500034

Kimiyeпу Summary Sheet hipau kishetka mphi zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “*Adobe Reader*” peithalo.

- | | |
|---|--|
| 1) Baibel tungkuputra lo United States kiqitsu akeuye (1)
Timi lakhino aphi huchui, miyetsughoi, eno atsulaphi pepu akeu kiqike
Alhuqu lakhino mlalui pa muqa lo bepu chekeu kiqitsu ani
Tughashi bheriti toi akibo kini shopu akeu kiqitsu ani | 7) Alhou kuka michipu mark, sign, momu symbol ye (1)
Bheriti lakhike Sabbath- Alhou kimithe tsala ke Akibo kini pu akeu tughashi ke |
| 2) Akibo kini kiqi ye kiukea? (1)
Akuakini eno ghushimi kuka kiqi Benjamin Franklin eno George Washington pama kiqi Mishi (civil) eno Achine lo ililailukeu kiqi | 8) United states ye kishi tughashi julho shisuniepi kea? (1)
Tughashi jutho (picture) kutomo shisuno jelunikeu Washington DC lo tughashi juakoghe (statue) shipe qhimikeu Pope yehkipe aqiqheu lo achenkelo akukuhou no state yehpeka susu kuqha puzu li kumla shichekeu toi United States no ilo Achine kumla lo chhosunani |
| 3) Ayeghi lono ipeghi ipikeu kiqi ye kiu kea? (1)
America ye aphuqha lo xuanishikeu kiqi Aghakhu akithe lakhi timi kutomo kughuna chemokeu lono ipeghikeu kiqi Khaghi Americamiqo ye aghasaqha lo asuki atuki eno ayeghi ki (cave) lo kughuna chekeu kiqi | 9) Piyekusu 13:15-17 lo tughashi michipu ikhilumokemiqo ye shikighimeni ipi akeu ye kiutoikeu ghime kea? (2)
Qhulu eno jelunikeu lakhavetsu nani Aghakumtsu lo hakughutsuve nani Pithivenani Luthuno tughashi vilo akipimi khupenani |
| 4) Tungkuputra hipau lo bheriti toi akibo kini shopu ipikeu kiqiye United States ye (1)
Kujoqhiyi eno inamo shinikeu kiqi Bheri loji pighiphelunikeu ghakhu shinikeu kiqi Kulakishi-kikimiye, eno aghungu lo shiyeh lakhi shi ipeghinikeu kiqi | 10) Ashekha ghuloki lo ayeghi lo kuka kini kuqhano zukusu kumla ighono kije shinani ipikeu ye khikuma kea? (2)
Itaghi Europe xuchileputhinikeu Japan China United States Pope yehkipe |
| 5) Piyekusu 13 lo tungkuputra lo United States ye kiu ghuloki lono ithughi naniepi kichetsu kea? (1)
1492 lono 1798 lono 1620 lono | 11) Armageddon ghushi ghili kishi pipuanikea? (6)
Ayeghi lo ashekhanu ghushi pi ani Kipelau kukamiqo ye Japan eno China pi ani Aghushu hipau lo tughashi kimiji ye Alhou timiqo kutsavenikeu pi ani |
| 6) Piyekusu 13 lo United States ye dragon lakhi tsa tho piqhinani ipikeu kiqiye kiukea? (1)
Li wu timiqo ye aghakighide eno mkamughai vetha kumlami shinani ipikeu kiqi Li ye ami lheghuthi penani eno kutsakungokeu shinani ipikeu kqi Li no timiqo pelo anguka lono mlla (worship) penani, tishimo aye pithiveni ipi pinikeu kiqi | |

Aghushi hipau ye ayeghi akuaqha kumtsu lo shinani
 Aghushi hipau ye Jisu no akiniu ide ighinike zu lono shinani, eno ampe 1,000 thiu ayikusamiqono akimithe phughi leluyenike boluve kelono ashekha shivenani
 Armageddon ashekhanu ghushiqia lo Khristo ngo Satan pama dolo kupunanikeu kimighitsu keu jeh lakhike
 Euphrates ghoki qhaise ipikeu kiqiye ashekha lo tughashi ye pa papermiqo kukuphu ithumlavenikeu kiqi
 Hipauye Palestine lo likhi shinani

12) Ashekha ghuloki lo Alhou w kuchou xukikithe ye kiutoi tokulu shinanikea? (1)
 Ayeghiqha qhoi amulo pekilivenani
 Ayeghi lo kughuna kuamiqo kumtsuno atsape hipau chilunani

Kumtsuno atsape hipau ikhiliivenan
 Satan no akumla hipau lakhavetsunani eno tokulu shimplave nani

13) Ashekha ghuloki lo hi kuchou kughutha shi akeuye kiutoi tokulu shinanikea? (1)

Aghakhu kutomono akughutha hipau lo ilo kulojimove nani
 Akumla hipau ye United States lo eno Europe lo likhino tokulu shinani
 Ashekha ghulokilo Alhou timiqo thono tinguno alau ye ayeghi lo kuxumiqo kumtsu ilo hipau lo kuqhavenani

14) Hipauno ighono kushukuqha shi aghie pinamu noye Jisu no khilau osasu wunikenno tilau Pa pagesu wunike pulo anima?

Iye Moe

Kungu iniju puakeqo achipilo khochile tsulo!



Tilehi kihisiveni keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :			
Owu Email :			
Thepiu kikihi :			
Okungo-a :			
Aphugui, District :	State :	Aghaqhu :	
Pin :	Apunu mpe amqo:	Gender :	

Anile shi no kusutsa niukeu tipau tsulou